





U ime Allaha, Sveopćeg dobročinitelja, Milostivog

# LOTOS - Bilten – Newsletter -

No 14/2

Zenica 2011

Izdavač

Udruženje L O T O S Zenica

Zaštita mentalnog zdravlja

e - mail: [lotos@bih.net.ba](mailto:lotos@bih.net.ba)

Za izdavača

Emina Hadžihalilović

Izbor tekstova i redakcija

prim. dr. mr. sci. Aiša Smailbegović

Predsjednica Skupštine Udruženja L o t o s

Tehnička priprema i prevod na engleski jezik

Aličehić Orhan, Enes Hadžihalilović

Štampa

Eurocopy Zenica

e-mail: [euroccopy@yahoo.com](mailto:euroccopy@yahoo.com)

Bilten se publikuje jedanput godišnje

**U Lotos - Savjetovalište za djecu, omladinu i odrasle**

**Ko smo?**

Udruženje LOTOS je specijalizovano udruženje usmjereno na čuvanje duševnog zdravlja u najširem smislu ove riječi.

**Kome pomažemo?**

Pomažemo djeci, mladima, odraslima, vaspitačima, učiteljima, školskim pedagozima kod razrješavanja smetnji poteškoća u učenju, kod emocionalnih problema, odgojnih problema i psihičkih poteškoća različitog uzroka kod djece i mlađih.

U Lotosu su već godinama angažovani psiholozi, pedopsihijatar, pedagozi, socijalni pedagozi, socijalni radnici, defektolozi, logopedi, profesionalci koji doprinose realizaciji naše misije, svojim znanjem, svojim vremenom i svojom motivisanošću na činjenje **d o b r o g a .**

**Šta radimo?**

Savjetovalište uključuje dijagnostiku, savjetovališni i terapeutski rad za djecu, omladinu, njihove roditelje i staratelje, pedagoge i učitelje.

U okviru ove aktivnosti dijagnostikujemo i liječimo psihički stres i traume nastale u porodici, školi ili drugdje.

Pratimo djecu sa smetnjama u tjelesnom i intelektualnom razvoju, sarađujemo sa državnim ustanovama po potrebi.

**Stručno usavršavanje**

Kod nas mlađi pedagozi, ljekari, psiholozi, socijalni radnici mogu dobiti stručne savjete.

Studenti mogu pisati seminarske i diplomske radove (do sada četiri) a mnogobrojni učenici osnovnih škola pišu svoje portofolije za razna takmičenja.

Naši članovi drže razne seminare i učestvuju u seminarima drugih organizatora, prezentuju naš rad na predavanjima, simpozijuma, kongresima, stručnim konferencijama i rade kao mentori.

## Preventivna aktivnost

Organizujemo, mentorimo i afirmišemo dobrovoljni rad mladih ljudi naročito kod pomoći djeci sa smetnjama u razvoju.

Afirmišemo dobrovoljni rad mladih ljudi u različitim drugim aktivnostima kao što su učešće na internacionalnim kampovima, učešće u prigodnim kulturnim manifestacijama učešće na stručnim konferencijama NVO sektora i drugo.

Razvojna i inovativna djelatnost je usmjerena na praćenje novih dostignuća i tehnika i spoznaja u primjeni novih metoda za učinkovitiju brigu za duševno-mentalno zdravlje djece i omladine.

Publicistička djelatnost je usmjerena na širenju znanja kako među stručnjacima iz ove oblasti tako i među laičkom javnošću kroz nastupe u printanim i elektronskim medijima.

Lotos izdaje godišnji Bilten u kome širu javnost upoznaje sa realiziranim aktivnostima, osobama i organizacijama koje su pomogle realizaciju Lotosovih projekata.

U Lotos sarađuje sa sličnim organizacijama u Bosni i Hercegovini i inostranstvu.

## Jednostavnije rečeno

Savjetovalište za djecu i roditelje pruža dijagnostičke i terapeutske usluge osobama sa različitim smetnjama u rastu i razvoju, njihovoj otežanoj komunikaciji, nastavnicima koji sudjeluju u obrazovnom procesu djece i drugima.

Pružajući ove usluge stručni tim Lotosa promoviše mentalno zdravlje i volonterski rad u zajednici. Savjetovalište radi na principu dijagnostike psiholoških problema djece i roditelja, a nakon evidentiranja i analize problema kao što su:

školski neuspjeh, emocionalni problemi, nisko samopouzdanje, noćno mokrenje, autizam, problemi u razvoju govora, hronična organska oboljenja odvija se individualni i grupni terapeutski rad. Radionice se realizuju posebno za djecu, posebno za roditelje, ali u isto vrijeme i na istom mjestu.

Uz klasične radionice obogaćujemo tretman djece i roditelja aktivnostima kao što su: botanički vrt, posjete raznim izletištima u prirodi, Sarajevu, različitim priredbama i drugim manifestacijama. Radionice su otvorene za djecu i za roditelje oba pola svih ekonomski kategorija sa područja ZE-DO kantona. Čitaoce nećemo opterećivati brojevima, već samo želimo da Vas upoznamo sa našim postojanjem, uspješnim radom i željom za saradnjom sa sličnim organizacijama.

Naš stručni tim čine tri psihologa, jedan defektolog, jedan logoped, profesor muzike, pedijatar i mnogobrojni volonteri različitih usmjerenja. Motivisani smo za stalnu edukaciju iz oblasti psihodijagnostike i psihoterapije.

---

Iraz „problemi mentalnog zdravlja“ opisuje širok spektar mentalnih i emotivnih stanja. Problemi mentalnog zdravlja se razlikuju od ostalih mentalnih poteškoća kao što su poteškoće u intelektualnom razvoju, poteškoće u razvoju, organska ozljeda mozga i poteškoće u procesu učenja (a Lotos se bavi svim navedenim problemima).

Iraz „problemi mentalnog zdravlja“ se koristi kada osobi mentalna kondicija značajno ometa obavljanje glavnih životnih aktivnosti, kao što su razmišljanje, komuniciranje, učenje i spavanje, među ostalim. Neki mogu godinama da pate od problema mentalnog zdravlja.

---

Idejni tvorci projekta „Lotos“ su Aiša i Reuf Hadžihalilović.

Dr. Aiša za svoj rad je dobila Plaketu grada Zenice, i više od 20 stručnih i društvenih priznanja za svoj kreativni i naučni rad.

# NAŠ RADNI KALENDAR

## Januar

U januaru je zatišje i sve aktivnosti se odvijaju laganijim tempom. Pišu se analize i evaluacija realiziranih projekata i pišu se novi projekti.

20. januar : Zimski pejsaž – šetnja po brdima oko Zenice

30. januar: dovršavamo Bilten za proteklu godinu i pripremamo promotivni materijal za „Lotos“



Šta je u paketu?  
Sa podjele novogodišnjih paketića

## Februar

07. februar – Međunarodni dan života

11. februar - Svjetski dan bolesnika

13. februar – rođendan Habibice

14. februar – Valentinovo - Dan zaljubljenih



Muhamed i Arnela su uljepšali svojom muzikom Habibicin rođendan.



Sva su djeca učestvovala u programu.



Arnela i Sabina zaslužile su da ih još jednom fotografišemo.



Majke u savjetovalištu

## Mart

- 01.mart Dan suvereniteta Bosne i Hercegovine
- 08. mart Dan žena
- 14. mart Međunarodni dan rijeka
- 20. mart Dan Zenice
- 21. mart Prvi dan proljeća – odlazak u prirodu
- 21. mart Međunarodni dan borbe protiv rasizma
- 22. mart Svjetski dan voda
- 27. mart Dan teatra

11. Marta 2011. prijateljsku zemlju Japan je zadesila strahovita katastrofa. Prvo je bio „Veliki talas“ – tsunami, a kasnije se pridružila katastrofa u nuklearnoj elektrani u Fukošimi.

Lotos tim povodom raspisuje konkurs za likovni i literarni rad na temu „Pismo prijatelju u Japan“.

## Pismo prijatelju u Japanu

日本の友達への手紙

PREGLED PROJEKTA PISMO PRIJATELJU U JAPANU	
Naziv projekta	Cunami-pismo prijatelju u Japanu
Rok implementacije	4 mjeseca
Lokacija	Zenica, Ze - Do kanton
Nosilac projekta	Udruženje L O T O S – zaštita mentalnog zdravlja
Partneri na projektu (objasniti prirodu njihovog angažmana)	JU Dom zdravlja Zenica - donira prostor za biro JU Radio RTV Zenica priprema reportažu o razvoju projekta Lokalne radio stanice daju kratke emisije Prof. Vanesa Đukić, članica Lotosa, stipendistica japanske vlade u Tokiju, koja je boravila u Japanu za vrijeme cunamija, će raditi na promociji projekta u japanskoj akademskoj zajednici i medijima. Vanesa je trenutno u Tokiju na usavršavanju.
Sažetak projekta (max. 100 riječi)	Cunami - pismo prijatelju u Japanu - Je projekt koji ima za cilj da pruži moralnu podršku stanovništvu Japana kroz literarne i likovne rade učenika i studenata Ze Do Kantona.  Ideja projekta je da učenici i studenti kroz svoje kreativne rade izraze solidarnost i altruizam prema drugim narodima u svijetu stradalim od prirodnih katastrofa.  Projekat se realizuje kroz etape: raspisivanja konkursa u javnim medijima i obavještanje javnosti o konkursu, analizi prispjelih rada, digitalna obrada prispjelog materijala, uručivanje nagrada najboljim radovima te predaja diska i albuma s radovima Ambasadi Japana u Sarajevu.

### CILJ PROJEKTA

Uputiti pismo prijatelju koji je preživio prirodnu katastrofu, podržati ga, razviti svijest o altruizmu i suošćeđanju. Razvijati most prijateljstva između Japana i Bosne i Hercegovine.

Konkretni rezultati	Indikatori
# podizanje svijesti djece i omladini o značaju pružanja podrške drugim narodima žrtvama prirodnih katastrofa	# broj škola koje su uzele učešće u konkursu # broj pojedinaca koji su se odazvali na javni poziv
# razvijanje altruizma i empatije prema drugima	# ukupan broj prispjelih rada
# podizanje svijesti javnosti i promocija volonterskog rada	# štampanje Biltena sa radovima u printanoj i digitalnoj formi
# izražavanje poštovanja i suošćeđanja žrtvama prirodnih katastrofa	# posjeta Ambasadi Japana u Sarajevu

LOTOS Zenica Cunami – pismo prijatelju u Japanu

## April

- 02. april Dan autizma
- 07. april svjetski dan zdravlja
- 08. april svjetski dan roma
- 19. april Dan civilnih žrtava rata općine Zenica
- 22. april Dan planete zemlje
- 23. april u Lotosu smo posvetili rođendanu svih naših volontera (a to je dan Azre)
- 23. april Dan knjige i autorskih prava
- 24. april Dan plesa

Članice Lotosa prisustvovale su obilježavanju Dan autizma na Akademiji nauka Bosne i Hercegovine u Sarajevu.

## AUTISTIČNOM DJETETU

Tebi u tvom svijetu,  
Zatvorenom unutar sebe,  
Ostrva,  
Izoliranih vjetrova u tvome umu,  
Tebi, zatvorenom unutar ljepote,  
Unutar nemira, unutar radosti,  
Ti živiš  
dišeš  
umireš  
emocija  
suvise dubokih da se razumiju,  
Majušno dijete presavijeno  
posrtanjem,  
Tvoje dno tvoj svijet,  
Sigurno,  
Samo ti,  
Tvoje izražajne ručice,  
Kao majušne ptice,  
lepršavo razgovaraju,  
tvoja mala ljutita režanja  
odbijaju monstrume izvan  
carstva,  
tvoja omiljena blaga:  
Dugmad  
Malene čarobne životinje  
Glatke drvene kuglice  
Tačkice sunčeve svjetlosti na tvom  
zidu

Tvoje pjesme bruje  
kako bi smirile tvoje nemirne  
ruke,  
Sigurno,  
Samo ti,  
Jedno sa ritmom,  
Tvoj svijet  
samo djelići od onih  
drugih  
koji dolaze i odlaze kao strujanje  
vazduha,  
jedva uvijajući tvoj  
pramen kose,  
Tvoje lice je nježna  
prazna maska  
onima koji vide samo  
sa očima,  
Onima koji  
ne razumiju  
tvoj svijet,  
Posmatrajući te,  
Ja vidim sebe,  
Pjevam pjesme za tebe,  
malešni, da ti kažem  
Da ne moraš  
proklinjati tvoj svijet  
da bi bio slobodan.

Jasmine Lee O'Neill

## Radni sastanak 28. aprila 2011. godine

Dijana Muminović je informisala radnu grupu Lotosa da u Zenicu dolaze studenti iz SAD, Njemačke, Hrvatske i BiH da bi fotografirali svakodnevni život u nekoliko domova BH građana, nevladinih organizacija i udruženja. Na sastanku je odlučeno da se upriliči susret gostiju sa članovima Lotosa. Na tom susretu trebaju se pjevati američke i bosanske narodne pjesme i treba posaditi dvije tuje u vrtu Lotosa za sjećanje na ovaj susret a u povodu 5. juna Dana čovjekove okoline.

### Agenda:

1. Kopirati note pjesama
2. Zadužiti Belmu Košpo, Arnelu, Lejlu i Muhamedu za muziciiranje,
3. Pripremiti Saglasnost roditelja za fotografisanje djece,
4. Tražiti od Doma saglasnost za učešće Elmine Bondalo na susretu,
5. Iskopati rupe za biljke,
6. Obezbjediti dvije veće tuje,
7. Pripremiti rukavice i kese za čišćenje parka,
8. Pripremiti osvježenje za učesnike,
9. Obezbjediti medijsku promociju susreta,
10. Napisati listu djece i volontera koji će ići sa studentima gostima u kućne posjete,
11. Pripremiti simbolične poklone za goste,
12. Ispred Lotosa za realizaciju projekta je zadužen Enes Hadžihalilović, a ispred američkih studenata Dijana Muminović.



Djeca na grupnoj terapiji u Klubu



Maj

07. maj Dan džamija  
15. maj Dan porodice



30. maja je tvorena izložba fotografija ovog projekta u Sinagogi muzeja grada Zenice. Iz Amerike su bili profesori: Josh Meltzer, Chris Tyree, Dave Ellis, a izložbu je otvorio Adnadin Jašarević.



Ovu fotografiju Kay-a Šunjića je snimila Marija Pušelja iz Mostara.

## SAĐENJE



Gosti iz Amerike sadetuje





Ostaje uspomena na Dan čovjekove okoline 2011.



Ilvana, Kay i Emina

<b>2: PREGLED PROJEKTA</b>	
Naziv projekta	<b>Moj prijatelj Kay</b>
Rok implementacije	4 mjeseca
Lokacija	Zenica
Nosilac projekta	Udruženje Lotos Zenica
Partneri na projektu (objasniti prirodu njihovog angažmana)	RTV Zenica –promocija altruizma i dobrovoljnog rada Dom zdravlja Zenica -besplatno ustupanje prostora za obavljanje aktivnosti
Sažetak projekta (max. 100 riječi)	<b>Moj prijatelj Kay</b> je projekat usmjeren na unaprijedenje i razvijanje prosocijalnog ponašanja mladih bez teškoća u razvoju, i društvenu integraciju djece sa posebnim potrebama. Direktni korisnici projekta su 30 učenika srednjih škola i 10 djece sa posebnim potrebama. Učenici, uz stručni nadzor profesionalaca Lotosa dva puta nedeljno borave u društvu djece sa težim smetnjama u razvoju (teške smetnje govora, kretanja, čula vida i sluha). Na taj način zdrava djeca stiču nova iskustava i razvijaju prosocijalne vještine empatije i altruizma, a djeца sa smetnjama u razvoju i njihovi roditelji doživljavaju promjenu svakodnevne rutine i poboljšavaju kvalitetu svog života. Predvideno trajanje projekta je četiri mjeseca.

28. maj - ... otišla je naša Košuta



28. maja je umrla najstarija članica „Lotosa“ gđa. Behija Ahmić. Behiji Ahmić su 16. aprila 1993. godine ubijeni muž, tri sina, jedan unuk i zet. Za vrijeme masakra nju su komšije zaključale u podrumu, isti oni koji su ubijali muške članove porodice. Od tog trenutka 5 – 6 dana je pješke noću išla prema Vjetrenicama i Počulici da bi došla u Zenicu. Od kraja aprila 1993. godine do 28. maja 2011. godine ona je bila ne samo korisnik usluga nego i priatelj „Lotosa“. Cijelo svoje žalovanje i sve ratne traume prognaničkog života, zajedno sa četvero unuka ovladavala je u „Lotosu“. Uz to je i redovno plaćala svoju članarinu. Njeno usmeno izražavanje bilo je prekrasno. Govorila je o košutama, o lijepom cvijeću i o vjeri u Boga. Lijepim, jasnim, razumljivim jezikom.

RAHMETULLAH ALEJHA RAHMETEN VASIAH

## Juni

- 04. juni UN-ov Dan nevinih žrtava djece - žrtava agresije
- 05. juni Dan čovjekove okoline
- 06. juni Sajam NVO u Zenici
- 20. juni Izlet na „Branu II“ – Likovna radionica u prirodi
- 20. juni svjetski Dan izbjeglica
- 26. juni međunarodni dan borbe protiv zloupotrebe droge i nezakonite trgovine ljudima
- 26. juni dan povelje UN

**Ruhama vrt**  
**Vrt među zgradama**

Lokacija projekta	Ul. Zije Dizdarevića – Blatuša Zenica Ruhama Centar
Termin realizacije	01. juni – 01. oktobar 2011.
Korisnici projekta	Štićenici Ruhama centra, prijatelji i saradnici Djeca iz naselja
Razlog projekta	Mogućnost da štićenici za lijepog vremena napuste svoje sobe, borave u prirodi. U vrtu se ljepše druži i sa osobljem centra i sa gostima pije kafa i čaj uvijek u isto vrijeme
Cilj projekta	Je da oplemeni devastirani prostor između zgrada i ostvari ugodan kutak gdje će se ljudi i biljke i ptice osjećati prijatno i razmjenjivati pozitivnu energiju, ukidati negativne stavove prema onemoćalim i invalidnim licima
Podciljevi	a) Smanjivanje aero-zagađenja, uljepšavanje grada, učenje djece iz okoline altruizmu i pomaganju u njezi starih lica, da im čitaju časopise ili pišu pisma i da čuvaju zelenu okolinu b) urediti prostor za kontejnere
Budžet	Osvježenje za učesnike radne akcije, cimentiranje centralnog prostora za druženje, izgradnja pergole, nabavka tende, nabavka sadnog materijala, zemlje, šljunak za staze, izrada fontane, nabavka nekoliko klupa za park i stolova, razvođenje električnih lampi na staze. Predviđa se i 10 kućica za ptice kao i lokalni transport. Potrebno je kupiti i sitni vrtni alat.
Saradnici na projektu U Zenici 08.juna 2011.	U „Lotos“, ALBA, Almy i Mahmutčehajić Senad,

*Udruženje roditelja djece  
oboljele od cerebralne paralize  
mikro cefalije i hidro cefalusa  
UDRUŽENJE "DLAN" ZENICA*



*DODJELJUJE*

# **ZAHVALNICU**

*Dr. mr. sci. prim. Aša Hadžihalilović*  
*za uspješnu saradnju*

*Zenica, 09.06.2011. god.*

*Predsjednik Udruženja:*



Stilske vježbe

Iznenađenje

JU "Dom zdravlja" Zenica  
Broj: 3069/11  
Zenica, 20.06.2011.godine

**Prim.dr.mr.sci. AIŠA HADŽIHALILOVIĆ**  
*Zenica, Crkvice br.60/IV*

**Predmet:** Obavijest

Zamolili bi Vas, da najkasnije do 30.06.2011.godine, predate ključeve kancelarije u zgradi Predškolskog i školskog dispanzera, gdje su nekada bile prostorije „LOTOS-a“.

Ključeve predajte dipl.ing. Pašić Mirsadu, uposleniku JU „Dom zdravlja“ Zenica-kancelarija na II sparatu (kod multimedijalne sale)-zgrada Predškolskog i školskog dispanzera.

Ukoliko ključeve ne predate do navedenog roka, bićemo prisiljeni ući u kancelariju na drugu zakonit način.

S poštovanjem!

Dostavljeno:

1 x Naslov  
1 x A/a



Je li moguć sporazum?

Zenica, 22. juna 2011. godine

Broj: 02-06/11

JU „DOM ZDRAVLJA“ ZENICA

Re: Vaš dopis broj 3069/11 od 20.06.2011. god.

Poštovani,

Slijedom Vašeg dopisa od 20. juna 2011., pod brojem 3069/11, želimo da izrazimo svoju nevjericu i zaprepaštenje.

Naime, Lotos – udruženje za zaštitu djece i odraslih djeluje još od 1992. godine. Slijedom programskih aktivnosti tokom agresije na BiH 1992/95 LOTOS 1995. godine stupa u partnerski odnos sa Domom zdravlja Zenica – dokumentovano dopisom broj: 21-1045/95 od strane Doma zdravlja Zenica, u kojem se daje saglasnost na preuređenje prostora za potrebe pružanja psihosocijalne podrške djeci i odraslima, bez naknade, uz pokrivanje tekućih troškova, (struja, voda, telefon, čišćenje).

U proteklih 16 godina od kada „Lotos“ koristi prostor u zgradi školskog dispanzera, u psihološkoj dijagnostici, terapiji i rehabilitaciji, te socijalizacijskim aktivnostima i logopedskim i defektološkim tretmanima učestvovalo je više od 3000 djece i odraslih osoba. Ove usluge su besplatno godinama pružali profesionalci, psiholozi, defektolozi, ljekari ali i paraprofesionalci različitih struka i zanimanja, vodeći pri tome računa o kvaliteti pruženih usluga koje su na nivou najviših profesionalnih standarda u oblasti mentalnog zdravlja.

Naši korisnici su djeca iz socijalno marginaliziranih i ugroženih kategorija društva, sa različitim teškoćama mentalnog zdravlja: emocionalnim i ponašajnim smetnjama, disharmonijama u razvoju, porodičnim krizama, koje ih ometaju u svakodnevnom funkcionisanju. Roditelji ove djece su većinom nezaposleni, iz prigradskih sredina, srednje i niže obrazovani.

Udruženje Lotos svojim naporima ispunjava praznine u radu državnih institucija koje djeluju na području zaštite mentalnog zdravlja u Zeničkoj općini, jer su te institucije najčešće usmjerene na rad sa odraslim klijentima, te dugi niz godina nemaju specifične uslove neophodne za rad sa djecom. Takođe ostvarujemo saradnju sa školama, koje nemaju na raspolaganju timove podrške za inkluzivnu nastavu i djecu sa teškoćama u učenju, te ljekarima u sistemu javne zdravstvene zaštite.

Dopisom kojim ste nas obavjestili da naprasno napustimo prostorije u roku od deset dana, uspješna saradnja između JU Dom zdravlja i udruženja Lotos koja traje već više od 16 godina je jednostrano prekinuta.

O novonastaloj situaciji za Lotos smo obavjestili načelnika općine Zenica, čiju podršku za rad imamo već duži niz godina zeničku i širu javnost, kao korisnike naših usluga.

Ljubazno Vas pozivamo da još jednom preispitate svoju odluku koja će se direktno odraziti na rad koji traje punih 16 godina, te da upriličimo sastanak na kojem bi smo eventualno pronašli novi model saradnje.

Molimo Vas da nas što prije kontaktirate.

Za upravni odbor U „Lotos“  
Predsjednica V. Kulenović





Sarajevo, Pionirska dolina





Naše zaljubljene volonterke na KID-s festivalu



Tarik kao mačak



# LOTOS

Zaštita mentalnog zdravlja, Mental Health Protection, Protection de sante Mental  
Zenica - Crkvice 60, Bosna i Hercegovina  
Tel/fax: +387 32 407-253, 061/186-955  
e-mail: [lotos@bih.net.ba](mailto:lotos@bih.net.ba)

JU DOM ZDRAVLJA  
ZENICA

Zenica, 24.juni 2011

n/r F.Alića

Predmet:Dopuna dopisa od 22.juna 2011  
Br.02-06/11 u vezi vašeg  
3069/11

Skrećemo vam pažnju, da smo na osnovu konsultacija sa mjerodavnim institucijama ,na sljedeće;

-Na osnovu saglasnosti Doma zdravlja br.21-1045/95 Američka vlada je uložila finansijska sredstva za trajno rješenje kancelarije prostora za aktivnosti Udruženja za zaštitu mentalnog zdravlja LOTOS na prostoru unutrašnje terase koja se nije koristila.U tom cilju uvedene su i električne instalacije,el.brojilo koji se ugrađuje samo za trajno rjesenje i urađena je vodovodna instalacija.

-Za sada nemamo namjeru izaći iz prostora koji sada koristimo

-Naši konsultanti smatraju da je vaša obavjest izuzetno drsko napisana a mi smo sa njenim sadržajem upoznali prvo donatora ,ZE-DO Kanton,Općinu Zenicu idr subjekte da imamo podršku svih navedenih subjekata i uz njihovu sugestiju da trebamo ostati na tom prostoru zato što svojim radom ispunjavamo aktivnosti iz zaštite mentalnog zdravlja djece i omladine koje Dom zdravlja za sada ne može kadrovski da pokrije.Kroz šesnaest godina našeg rada naši klijenti su prihvatali ove aktivnosti u LOTOSU jer kad se kaže da dijete ide psihologu u našoj zajednici to veoma stigmatizira i dijete i njegovu porodicu zašto ljudi izbjegavaju direktni odlazak psihijatru i radije se okreću magijskim procedurama kao što su saljevanje strave,puštanje krvi kod djece,kađenje na zmijskoj kožici i dr oblicima nadrilekarstva.

Nadamo se da ćete shvatiti delikatnost vaše odluke i pravilno rezonovati.

Podsjećamo vas da u slučaju zatvaranja kancelarije morate napisati niz pravnih akata i dopisa počev od Američke ambasade do Elektroprivrede Zenica

Direktorica  
E .Hadžihalilović, dipl.psiholog

**Juli**

**11. juli Svjetski dan civilnih žrtava rata**

**11. juli Dan genocida u Srebrenici**

Učešće u internacionalnim kampovima za volontere i entuzijaste u Bugarskoj i Srbiji.



Delegacija Lotosa u internacionalnom kampu za volontere u Bugarskoj  
Enida Džajić, Armin Hrkić, Enes Hadžihalilović, Asja Borić, Bojan Rokić, Gabor Borjan, Mario Čičak



Internacionalni kampovi za mlade održavaju se u 40 zemalja od maja do septembra. U tom periodu volonteri svih zemalja se ujedinjuju, razmjenjuju iskustva sklapaju prijateljstva, uče nove i nesvakidašnje vještine, govore strane jezike, zajedno pripremaju hranu, upoznaju nove ljudе i zemlje iz kojih ovi ljudi dolaze, učestvuju u sportkim i kulturnim aktivnostima.



NGO Evroalternativi 2^

Bulgaria, Predel - 2011

The best  
presentation of  
country

Bosnia and Herzegovina

Signature:.....



## Ljeto u Srbiji

Džemil Belegić, volonter Lotosa bio je naš predstavnik na međunarodnoj radnoj brigadi u Vrnjačkoj Banji, Srbija. Džemil je stekao nova iskustva nove prijatelje i vrlo je zadovoljan svojim učešćem u ovoj radnoj brigadi.



Džemil sa zastavom Bosne i Hercegovine.



Ja i moj najmladji prijatelj sa akcije  
Jovan



Učesnici brigade u Vrnjačkoj banji.

## August

01. august Međunarodni dan prijateljstva

12. august Međunarodni dan mladih

29. august Dan povelje Kulina Bana

**„DA SE VLASI NE DOSJETE“**

uzrečica docenta Nedžata Hadžimusića



## JAVNA USTANOVA "DOM ZDRAVLJA" ZENICA

Ul. fra Ivana Jukića br. 2. Zenica

Identifikacioni broj: 4218074270000, PDV broj 218074270000

Porezni broj: 05001993

Transakcijski račun: 134-010-0000009820 kod Investiciono-komercijalne banke d.d. Zenica

BiH  
FBIH

Zeničko-dobojski kanton  
Općina Zenica  
Sekretar Općine Zenica  
(Putem stručne službe Vijeća i Načelnika)

Zenica,

Vaš znak:

Naš znak: 4900/11

10.08.2011.

### Dostava izjašnjenja po predstavci UG "Lotos" Zenica

Predmet:

Dana 14.07.2011. godine dobili smo Vaš akt broj: 01-49-14340/11 od 11.07.2011. godine, u prilogu kojem ste nam dostavili predstavku UG "Lotos" Zenica.

Postupajući po Vašem aktu, te odredbama Zakona o postupanju sa predstavkama i prijedlozima („Službene novine Zeničko-Dobojskog kantona“ br: 10/2005.) upoznajemo Vas sa slijedećim:

J.U. "Dom zdravlja" Zenica u cilju poboljšanja rada službe za zdravstvenu zaštitu predškolske i školske djece planira uvođenje ultrazvučne dijagnostike za snimanje kukova novorođenčadi. S tim u vezi uputili smo dopis U.G. "Lotos" Zenica br: 3069/11 od 20.06.2011., da napuste prostoriju koju su koristili bez pravno valjanog osnova.

Međutim, dobili smo dopis U.G. "Lotos" Zenica br: 02-06/11 od 22.06.2011. (čiju kopiju su proslijedili i Načelniku Općine) u kome nas obaveštavaju da imaju saglasnost br: 21-1045/95 od Doma zdravlja za preuređenje prostora ali ne prilaže kopiju navedene saglasnosti.

Nakon provjere naše dokumentacije u kojoj nismo nijedne našli spomenutu saglasnost, uputili smo dopis Kantonalnom ministarstvu pravosuda za dostavu podataka o registraciji U.G. "Lotos".

Iz dopisa Kantonalnog ministarstva pravosuda (čiju kopiju Vam dostavljamo) U.G. "Lotos" Zenica je registrovano 11.12.1997. godine i to na adresi Crkvica br.60. Istu adresu udruženje ima i u svom logotipu kao i na internet stranici.

Imajući u vidu navedeno, a temeljem zakona o zdravstvenoj zaštiti po kome udruženja građana nemaju nikakve ovlasti da participiraju u pružanju usluga zdravstvene zaštite u prostoru zdravstvenih ustanova smatramo naš zahtjev za preuzimanjem svog prostora potpuno legitimnim.

U tom cilju tražimo da UG "Lotos" Zenica izvrši predaju prostora J.U. "Dom zdravlja" Zenica do 31.08.2011.-e godine, a ukoliko želi saradnju sa J.U. "Dom zdravlja" Zenica, možemo im ponuditi u zakup prostor u ambulanti porodične medicine "Crkvice".

S poštovanjem,

Prilog: - Kopija obavjeti Kantonalnog ministarstva pravosuda  
- Logotip i podaci sa internet stranice

Dostaviti:- Naslovu

- UG "Lotos"
- a/a



telefon: +387 32 403 418; fax +387 32 242 113 e mail-domzdrze@miz.ba; www.domzdravlja-zenica.ba

Radni sastanak i razmjena iskustava između „Lotosa“ i U „Dlan“



Dr. Sanda, Selvedin Dedić i dr. Aiša



Radna posjeta u sali za vježbanje udruženja „Dlan“



# LOTOS

Zaštita mentalnog zdravlja, Mental Health Protection, Protection de santé Mental  
Zenica - Crkvice 60, Bosna i Hercegovina  
Tel/fax: +387 32 421-873, 061/186-955  
e-mail: lotos@bih.net.ba

**H.E. Futao Motai**  
**Ambassador of Japan in Bosnia and Herzegovina**  
**Bistrik 9, 71 000 Sarajevo**

Zenica, 25th of August 2011

Excellency,

The citizens association Lotos from Zenica would like to express its deepest respect to the Japanese Embassy in Sarajevo, and has the honor to inform you about the following:

The association for the protection of mental health of children and youth Lotos in Zenica has been established in 1995, and has a year's long tradition of calling for contest among pupils of primary and secondary schools in Zenica – Doboj Canton on actual subjects.

The subject of our contest in 2011 entitled „Letter to a friend in Japan“ was tsunami - the terrible disaster that has strike Japan. Our contest provoked a large response among pupils of primary and secondary school, resulting with almost 200 artistic works from children. The Association's Main board has made a decision to systematize these works and to publish a selection of the received materials in a small Bulletin.

We are kindly requesting an audience at any time at your convenience, in order to present you with the letters to a Friend in Japan from the children of the Ze-Do Canton.

Please feel free to contact at one of the following numbers: dr. Aiša Smailbegović 061 186 955 or Emina Hadžihalilovic 061 892 084, or by e-mail: lotos@bih.net.ba

Once again, please receive our deepest respect and warm regards.

Sincerely,

Dr. Aiša Smailbegović  
President of Lotos Assembly

## Septembar

01.septembar Dan gluhih i nagluhih osoba

03. septembar – Godišnjica potpisivanja konvencije o eliminaciji svih oblika diskriminacije

08. septembar Međunarodni dan pismenosti

29. septembar Međunarodni dan gluhih osoba



Ekselencija Futaō Motai, ambasador Japana u Bosni i Hercegovini primio je delegaciju 02. septembra 2011. godine. Na slici dr. Hadžihalilović, Nezira Alagić, ambasador, Orhan Aličehić, Zerina Hasanbašić, Ilvana Smajić

## Jedan sretan dan

Pod usmenom prijetnjom policijom, Lotos je iseljen iz prostorije koju je koristio od 1995. godine do 7. septembra 2011. u Domu zdravlja Zenica.

Direktor Doma zdravlja Ferid Alić je bio vrlo sretan jer je ostvario svoj životni san.

Pismeno je izjavio da je u Domu zdravlja izgubljen dokument na osnovu kojeg je Lotos koristio prostor pa ga prilažemo da ga podsjetimo da je imao u rukama ovaj dokument i možda ga je zaturnio u svojim ladicama.



Iza ovih vrata godinama se odvijala dijagnostika i individualna i grupna psihoterapija djece i mladih

 DOM ZDRAVLJA ZENICA

LOTO S

Udruženje građana za zaštitu  
mentalnog zdravlja

Z E N I C A

Melente Bošnjska 2; 72000 Zenica

Telefoni: 23-418, 21-206 i 26-158

Ziro račun: 12300-603-1419

Devizni račun: 12300-603-43

Broj: 21-1045/95

Zenica, 12.10.1995.godine

Predmet: Saglasnost za preuređenje umutarnjeg  
prestora Dispanzera za kancelariju  
LOTOSA

U vezi vašeg pisma broj: 599/95 od 6.10.1995.godine,  
saglasni smo za preuređenje umutarnjeg prostora našeg  
Dispanzera za kancelariju Udruženja građana za zaštitu mental-  
nog zdravlja LOTOS sa sjedištem u Zenici.

Za preuređjeni prostor nećemo tražiti mjesečnu zaku-  
pmiju, ali je LOTOS dužan da snosi sve tekuće troškove koje  
estvari svakodnevnim radom (struja, voda, telefon, čišćenje  
i sl.).

S poštovanjem.

  
Prim. dr. Mustafa Mehmedbašić

# Lotos beskućnik

Zvući malo nevjерovatno, ali događa se u Zenici? Jedno od najuglednijih i najuspješnijih zeničkih udruženja, Lotos, postaje beskućnik. Udruženje je osnovano 1997. godine u Zenici, provodeći implementnu misiju integracije djece i omladine sa posebnim potrebama, međusobne podrške porodicama sa invalidnim članovima, razvoju dobrotvornog sektora, rada sa talentovanom djecom... Od samog početka rada, pa do danas, Lotosova vizija je afirmacija Savjetovališta za mentalno zdravje za djece i roditelje. Dr. Alisa Hadžihalilović, osnivač i pokretačka snaga ovog udruženja, specijalista je za dječje bolesti, dobitnica 20 stručnih i društvenih priznanja, sa više od stotinu objavljenih stručnih radova. Prijе samog osnivanja ovog Udruženja, već od januara 1996. godine, u prostorijama JU Dom zdravlja Zenica odvijale su se psihoterapije

djece, savjetovanje roditelja i druge aktivnosti u cilju promocije mentalnog zdravlja u Zeničko-dobojskom kantonu. Aktivan rad udruženja Lotos naprasno je prekinut kada je aktuelni direktor JU Dom zdravlja Ferid Alic odlučio da udruženje Lotos izbaci iz prostorija koje su godinama koristili u ove humane svrhe. Kao glavni argument za ovaj čin direktor Alic navodi kako je dokument kojim se izdaje saglasnost da Lotos koristi ovaj prostor izgubljen, te kako ne postoji pisani trag na osnovu kojeg bi Lotos ostao u tom prostoru, barem na pravnoj osnovi, kako već ljudski i humani faktor u donošenju odluke o deložaciji nije igrao nikakvu ulogu. Sva nastojanja Dr. Aise i njenih suradnika, uključujući i prilaganje vlastite kopije sporognog dokumenta, da do iseljenja Lotosa iz ovih prostorija ne dođe nisu urođila plodom, pa je 7. septembra 2011. godine, pod usmenom pri-

**SUPER**



Petak, 30. septembar 2011.

Jedna od nedavnih aktivnosti članova udruženja Lotos je posjeta Ambasadoru Japana u BiH, kako bi na svoj način odali počast nastradalima i pružili podrsku onima koji su preživeli katastrofu razornog zemljotresa, tsunamija i havarije u nuklearnoj elektrani Fukušima. Radovi koje su dječa iz udruženja napravila suosjećajući sa žrtvama ove strašne tragedije, i koje su uručili Ambasadoru Futoao Motaiju, bit će izloženi u umjetničkom centru u Fukušimi.

normalan nastavak rada. U nadi da će prepoznati znacaj Lotosovog rada sa djecom i omladinom, i njihov aktivni angažman u socijalnim pitanjima, iz udruženja poručuju kako je ovo najbolji test vladajućim strukturama kada je u pitanju njihov osjećaj i briga za naše najveće bogatstvo i budućnost - djecu.

## Oktobar

- 04. oktobra ZEPS (Zenički privredni susreti)
- 05. oktobar Međunarodni dan djeteta
- 05. oktobar međunarodni Dan učitelja
- 10. oktobar svjetski Dan mentalnog zdravlja – Dan LOTOSA
- 15. oktobar dan bijelog štapa (dan slijepih)
- 22. oktobar Međunarodni dan pažnje posvećene mucanju i govornim manama
- 24. oktobar Dan Ujedinjenih nacija
- 31. oktobar UNICEF-ov dan djece, međunarodni dan šetnje

## ZEPS



Na zepsu krovna organizacija SUMERO tradicionalno ima štand koje donacija organizatora. Naše volonterke Ilvana, Tijana i Matea su dežurale.



Tijana, Emini i Zerina su hrabro i dobro afirmisale osobe sa posebnim potrebama na štandu i pomagale volonterima iz Sarajeva, Banja Luke, Bakovića, Drina i drugih gradova i doprinijele su dobroj atmosferi i ugodnom druženju i gostiju štanda i predstavnika svih organizacija od Širokog brijega i Trebinja do Banja Lukei Odžaka.

U međuvremenu smo pronašli novi prostor za rad, koji je totalno devastiran, tako da ga moramo skroz obnoviti.



Majstor Mićo popravlja utičnice. Osim što se bavi strujom on je pokazao u Sarajevu na KID-s festivalu da posjeduje i talenat za glumu i animiranje djece sa velikim uspjelom.

Međunarodni Dan mentalnog zdravlja obilježen je Akademijom u organizaciji Centra za mentalno zdravlje Zenica. Lotosovci su prikazali vježbu „Mi stvaramo muziku“ koju su izveli korisnici sa doktoricom Aišom.




Ministrica zdravstva Ze-do kantona gospođa Šeška Balorda je vrlo pažljivo pratila numeru djece i poslije izrazila svoja čestitanja Lotosu, naglasivši da se osjeća i vidi kako se radi sa ljubavlju.



Prim.dr.mr. sci Aiša Hadžihalilović prvo je upoznala prisutne sa razlikom psihoterapije djece i odraslih. Dok odrasli traže mir psihoterapijske metode kod djece traže pokret.



Poslije uvodnog izlaganja demonstrirana je vježba sa drvenim štapićima „Mi stvaramo muziku“.



## Bosnian-Herzegovinian American Academy of Arts and Sciences

**BHAAAS Days in Bosnia and Herzegovina,  
Zenica October 12.-14. 2011.**



LJEKARSKA KOMORA  
ZENIČKO - DOBOJSKOG KANTONA

Certify that

*Helena Botić*

Has attended and successfully completed

**International Seminar on Pediatric Psychiatry, Zenica 2011.**

**Internationalni seminar iz dječje psihijatrije, Zenica 2011.**

October 12. 2011.  
Zenica, Bosnia and Herzegovina

Nirvana Pištoljević, PhD  
Columbia University, NY

Harun Drijević  
Presidente of Medical Chamber

Diana Štimjanin Koldžo  
Cantonal Hospital Zenica

Za članove Lotosa bilo je pravo uživanje učestvovati na dñima BHAAAS-a, kako na psihijatrijskoj sekiji, tako i na seminaru humanističke sekije sa akcentom na savremena saznanja iz edukacije, historije, jezika, kulture i religije. U ovom seminaru iz Amerike su učestvovale dr. Azra Terzich Kurbegović, dr. Aida Hozić i dr. Amila Buturović. Iz Bosne i Hercegovine su učestvovali Slavica Hrnkaš kao moderator, dr. Muris Bajramović, dr. Ahmed Zildžić, dr. Memnuna Hasanica, dr. Enes Kujundžić. Skup je pozdravio dekan Pedagoškog fakulteta dr. Damir Kukić a u završnoj riječi skupa imala je zapaženu diskusiju i dr. Aiša Hadžihalilović. U razgovoru prisutnih iznijelo se zapažanje da u Americi su predavanja više diskusija između predavača i prisutnih studenata i da neznaš kako će se čas odvijati i završiti. Ovakav način komunikacije na dodiplomskim predavanjima zahtjeva veliku intelektualnu angažovanost i profesora i studenata.

## Novembar

- 19. novembar međunarodni dan borbe protiv nasilja i zloupotrebe djece
- 20. novembar Deklaracija o pravima djeteta (UN)
- 25. novembar Dan državnosti BiH
- 25. novembar međunarodni Dan borbe protiv nasilja nad ženama i Dan Univerzalne konvencije o ljudskim pravima.



Emir Zejnić – desno je jedan od osnivača Lotosa. On je dizajnirao logotip Lotosa 1995. godine a ovog novembra 2011. godine je napravio tablu na novoj prostoriji Lotosa.



Volonter Toni Sić postavlja tablu Lotosa



Uz 25. novembar Dan državnosti svečano je otvoren novi prostor druženja Lotos uz pomoć mnogobrojnih prijatelja Zenice i ISKOSa iz Italije.

## Decembar

02.decembar međunarodni Dan invalidnih lica i osoba sa posebnim potrebama

05. decembar međunarodni Dan volontera za ekonomski i socijalni razvoj

10. decembar Dan ljudskih prava, godišnjica potpisivanja Univerzalne deklaracije o pravima čovjeka

30. decembar obilježavanje Nove godine u klubu LOTOS

## ONI DOLAZE



Ivan Jelić sa „svojom“ doktoricom Aišom, foto Jasmin Hadžić

3. decembra Ivan Jelić sa svojom gošćom Sandrom Bagarić održao je prekrasan koncert „Svom gradu s ljubavlju“.

Ivan kao dječak bio je vrlo nježan i cijele zime je bolovao od bronhitisa. Njegova doktorica iz tog dječačkog doba prati njegov razvoj (sada je treća godina muzičke Akademije) veseli se uspjehu i pita se kako su mu se pluča tako dobro razvila, da može divno pjevati.

10. decembar, Dan ljudskih prava



Proslava rođendana Denisa Čelebića u selu Jezero. Dječak Velid na „sindikalnoj“ fotografiji dr. Aiše desno.



Velid - adolescent ... pun snova o budućnosti  
Umjetničku fotografiju je napravila Dijana Muminović



Aziz Kahrić, foto Dijana



Ganibegović Muhamed, talentiran za šivanje, zamišljeno gleda u svoju budućnost. Foto Dijana

U povodu Međunarodnog dana ljudskih prava 10.12.2011. godine naša članica Dijana Mumunović pridružila se projektu „Help portreti“ održanom u 54 države svijeta. Na taj dan su djeca iz marginaliziranih grupa trebala „na tren da ostvare svoj san“. Fotografisanje u Zenici je obavljeno u prostorijama udruženja „Pomirenje“. Djeca koja su došla na fotografisanje su uz pomoć volontera šminkala, obukla se u kostime i fotografisala.

Ovaj projekat na engleskom se zove „To give, not a take photo“ a djeca bi trebala da dobiju fotografiju kao sjećanje na taj dan. Cijelu akciju su posebnim web portalom i emisijama tokom vikenda propratili CNN, BBC i druge velike svjetske medijske kuće.



Dijana Muminović: autoportret

Dok je Dijana stvarala ove umjetničke snimke u Zenici, u Oslu je održana ceremonija dodjele Nobelove nagrade za mir. Članice Lotosa su zajedno sa članicama Infoteke posmatrale ovu ceremoniju na internetu. Ovogodišnje dobitnice Nobelove nagrade za mir su Liberijska predsjednica Ellem Johnson - Sirleaf, mirovna aktivistica Leymah Gbowee iz iste zemlje, te Jemenska novinarka i aktivistica Tawkul Karman. One su doobile ovogodišnju Nobelovu nagradu za mir "nenasilno zalaganje za sigurnost žena i njihovo pravo na puno učešće u izgradnji mira".

Odbor za dodjelu Nobelove nagrade za mir priopćio je kako se nada da će nagrada trima ženama „pomoći da se okonča gušenje prava žena, što se još uvijek događa u mnogim zemljama, i da se realizira veliki potencijal žena u izgradnji demokracije i mira“.



Lotos se pridružuje čestitkama iz cijelog svijeta.



UDRUŽENJE HUMANITARNA ORGANIZACIJA  
**»RUHAMA«**  
ZENICA

# Zahvalnica

Prim. dr. mr. sc. Aiša Hadžihalilović

za poseban doprinos u realizaciji projekta  
«CENTAR ZA ZBRINJAVANJE STARIH I IZNEMOGLIH LICA  
U SVIM OBICIMA NIEGE»

Direktor:

/Salem Rudić/





Kobić Amel - IVa

Draga dr. Ajso

Hvala vam što ste mi omogućili  
da se družim sa djećom, razvijam  
svoga kreativnost, stičem iskustvo i  
vještinu, zajedno sa djećom.

Neka ste mi živi i zdravi !

Sretni Božićanski i Novogodišnji  
praznici !!!

Voli vas  
Bilja



31/12/2011

Na gitari su svirali Muhamed Čolaković i Josip Križić



19/11/2011



Ulogu Djeda mraza je hrabro odigrao naš logoped prof. Patković Nedim

Vodeći projekat Lotosa je Savjetovalište za djecu i odrasle ali da nebi bilo previše bolničkog rada projekat se dopunjuje i nizom drugih aktivnosti koje obogaćuju duhovno i terapijski kako korisnike tako i volontere našeg udruženja.


Hroniku udruženja i ove godine pisala je dr. Aiša Hadžihalilović.

Svim prijateljima U „Lotos“, firmama i organizacijama koji su svojim znanjem, vremenom, savjetom i novcima pomogli realizaciju projekata u 2011. godini,  
srdačno se zahvaljujemo, želeći

SRETNU NOVU 2012. godinu,  
dobro zdravlje, ličnu sreću i poslovni uspjeh.



- Alba
- Alić Nevzeta
- BosnaVet
- Brešić Azra
- Crveni krst/križ
- Drino Azra
- Foto Nino
- Imamović Velida
- ISKOS Italija
- Košpo Belma
- Ljuca Amira
- Malkić Izeta
- Masnik Sead
- Mundžin Indira
- Naša riječ
- Općina Zenica
- Perić Mladen
- Pliva d.o.o. Sarajevo
- Pojavnik Josip
- Savić Nenad
- Salčinović Selma
- Smajić Enver
- Sarajevo osiguranje
- Šaćirović Safet
- Vojvodić Kaduna  
sa prijateljima
- ZEPS



Zajedno prema zdravlju **PLIVA**  
Članica Teva grupe